

Կ. ՍԻՏԱԼ

**ՀԱՅԱՍՏԱՆԻ ԼՈՒՍԱՓԱՌ
ԱՐԵՒԱԾԱԳԸ**

ԵՒ ՎՐԱՑԵԱՆԻ ՄԱՐՈՂ ԶԷԹԻ ՃՐԱԳԸ

Անշխարհականության համար - Վերականգնողական
Դոկտրինայի Ընդհանուր Վարկած 02/17/107

Արթուր Մանուկ Աբեղյան
Արտ. և Գրք. Գրադարան
Գրադարան

Տեղ. 24, 1949

Ֆիլատելիա

Կ. ՍԻՍԱԼ

1/4

9/2

ՀԱՅԱՍՏԱՆԻ ԼՈՒՍԱՓԱՌ ԱՐԵՒԱԺԱԳԸ

ԵՒ ՎՐԱՑԵԱՆԻ ՄԱՐՈՂ ԶԷԹԻ ՃՐԱԳԸ

ՄԱՏԵՆԱՇԱՐ ԹԻԻ 16

Հրատարակութիւն

ԱՄԵՐԻԿԱՀԱՅ ՅԱՌԱՋԴԻՄԱԿԱՆ ՄԻՈՒԹԵԱՆ

ՆԻԻ ԵՈՐԳ 1949

Printed in U.S.A.

ԲԱԶՄԱԹԻԻ ԱԿԱՆԱՏԵՍՆԵՐ ՀԱՅԱՍՏԱՆԻ ՎԵՐԵԼՔԻ

Համաշխարհային երկրորդ ահաւոր պատերազմի աւարտին եւ քիչ յետո, Կաթողիկոսական ընտրութեան եւ Հայաստանի Գրողների Միութեան համագումարի առիթով, կարեւոր թւով, հոգեւորականներ, առեւտրականներ, զրոյներ եւ մտաւորականներ այցելեցին Հայոց Աշխարհը:

Ընկերային բոլորովին տարբեր դիրքի եւ տարբեր աշխարհայացքների պատկանող այս հայերը վերադարձան իրենց տեղերը տոգորւած ողբերգութեամբ եւ խնդութիւնով: Նրանց ականատեսի բերկրալի լուրերը ելեկտրականացրին սփիւռքի հայրենասէր հալածիւնը:

Արտասահմանից զնայող այս պատգամաւորներն ու հրաւիրեալները տեսել էին մեր հայրենի չքնաղ երկիրը, չլիման էին եկել եկեղեցական դասի եւ մեր մեծաքանչ ժողովրդի բոլոր խաւերի հետ եւ մասնակից էին դարձել նրանց ողբերգութեան եւ ծաղկող խնդութեան: Նրանք իրենց բախտաւոր աչքերով տեսել էին՝ անպամ այդ զարհուրելի պատերազմի աւարտին եւ անմիջապէս յետո՝ մեր երկրում ծաւալող տնտեսական, մշակութային եւ ընկերային աննախընթաց նաւահումները — նրա հոյակապ մեծադործութիւնները:

Զարմանալի չէր, ուրեմն, որ նրանց բերած ցնծութեան այս պայծառ լուրերը հաւատքի, խանդավառութեան, ազնիւ ու մաքուր հայրենասիրութեան մի վիթխարի ալիք բարձրացրին, մինչեւ սփիւռքի ամենահեռաւոր ծագերը: Հայրենարաղձ դադութահայութիւնը ողողւած էր հիացմունքով, կարօտով եւ կուռ միասնութեան հոգիով:

Օտար եւ հայ թշնամի մամուլի եւ շրջանակների սուտի եւ զրպարտութեան անմաքուր թելերից հիւսւած թանձր եւ անարդ վարպօյր ձեւքեւել էր: Եւ փարատող ամսերի ետեւից ծաղող չողջողուն եւ վեհափառ արեւի նման երեւան էր եկել մեր հերոսական եւ փառապանծ ժողովրդի ծիծաղիկոտ եւ անուշ դէմքը:

Այս բախտաւոր այցելուներից մէկն էլ ես էի: Ես էլ սփիւռքի հայութեան եւ մասնաւորապէս ամերիկահայ մեծ եւ պատւական գաղութի սեփականութիւնը դարձրի հայրենի աշխարհից ինձ հետ բերած իմ անմոռանալի, դերերջանիկ տպաւորութիւնները եւ մեր հայրենիքի ապշեցուցիչ վերելքը բնորոշող պաշտօնական թւերն ու փաստերը:

Իմ այս գործը պարբերաբար երեւաց «Լրաբեր» եւ «Նոր Օր» թերթերում եւ ապա լոյս տեսաւ առանձին հատորով :

Յօդւածներս իսկոյն արտատպւել սկսեցին ամիսներ ընդմիջումով : Նոյնիսկ Պոլսահայ մամուլի մէջ երեւացին իմ այս գործից մի քանի կտորներ :

Թէ բաւական թուով դաշնակ շարքայիններ եւս հետաքրքրութեամբ հետեւեցին իմ տպաւորութիւններին եւ ծանօթացան մեր հայրենիքի ներշնչող իրականութեանը՝ այդ փաստում են նոյն այդ կուսակցութեան մամուլի ինձ եւ իմ գործի դէմ մշած կատաղի յարձակումները :

Հաղիւ թէ մի քանի յօդւածներս լոյս էին տեսել եւ ահա «Ասպարէզ»-ում եւ «Հայրենիք»-ում հրապարակ եկան մի շարք դաշնակ լրագրողներ մոլեգին, ատելավառ գրութիւններով :

Վերջերս էլ իմ ուշադրութեան յանձնեց նախկին «Վարչապետ» եւ Դաշնակ կուսակցութեան ռազմավար եւ վերին ղեկավար պրն. Սիմէոն Վրացեանի վեց յօդւածները գրած իմ գրքի մասին :

ՊԼՏՈՐԵԼՈՒ ՀԱՄԱՐ

Պրն. Վրացեանն իր յօդւածի առաջաբանում պատմում է թէ «մի բարի ձեռք» նրան ուղարկել է մի օրինակ իմ «Տեսա Մեր Երկրի Արեւածագը» գրքից : Նոյն այդ «բարի ձեռքը» նրան գրել է հետեւեալ յատկանշական տողերը. —

«Ես սիրեցի հեղինակի գրելու ձեւը եւ անկեղծութիւնը : Կարգա՛ եւ սիրտդ թող ցնծայ, քանի որ դուն ալ Հայաստանը կը սիրես : Գրէ՛ կարծիքդ» :

Եւ պրն. Վրացեանը վեց երկար յօդւածներով աշխատում է այդ «մի բարի ձեռք»ի մաքուր ու հարազատ հայրենասիրական դէպքումները պղտորելու համար գրել իր կարծիքն ու զայրոյթը :

Բարի ընթերցողը գուցէ մտածէ թէ պրն. Վրացեանը այսպէս զայրացել է որովհետեւ ես անպատշաճ, կոպիտ վիրաւորանք եմ հասցրել մեր պանծալի ժողովրդի հասցէին, որովհետեւ ես թերգնահատել եմ նրա հոյակապ վերելքն ու փառաւոր յաջողութիւնները — մեր երկրում կատարուող անըմբռնելի կերպարանափոխութիւնը :

Զէ, պրն. Վրացեանը այդպիսի պատճառներով չի բարկանում :

Պրն. Վրացեանը բորբոքել է հէնց այն պատճառով որ ես դիւակաճօրէն եւ ռզիւքութեամբ եմ մօտեցել հայ ժողովրդի ձեռք բերած անհաւատալիօրէն հսկա նւաճումներին, նրա հղօր ու սլալծառ առօր-

եային, նրա մեծասքանչ եւ ստեղծադործ աշխատանքին: Նա զայրացել է այն պատճառով որ «մի բարի ձեռք»ը եւ նրա նման բազմաթիւ Հայաստան սիրողները սիրել են նաեւ «հեղինակի գրելու ձեւն ու անկեղծութիւնը»:

Պրն. Վրացեանը փրփրել եւ իր պաղարիւնութիւնը կորցրել է որովհետեւ ես տւել եմ մեր հայրենիքի եւ ժողովրդի հարազատ պատկերը, ներքուիւ եմ նրա մեծագործութիւնները, խանդավառել եմ նրա յաղթանակներով, նրա հրաշագործ աշխատանքով: Նա մոլեգնել է որովհետեւ ես չեմ զրպարտել, չեմ թերզնահատել, չեմ վարկաբեկել, կոյր քինախնդրութեան եւ անարգ ստութեան խօսքերով չեմ ուրացել հայ ժողովրդի նորահրաշ եւ լուսապայծառ արեւածագը:

Երբեք էլ չեմ թաքցնել այն իրողութիւնը, որ ես Հայաստան գնացի ջերմ համակրանք եւ բուռն կարօտ իմ սրտով եւ վերադարձաւ անհուն սիրով եւ բոց խանդավառութեամբ: Եւ սա հետեւանքն էր այն անհաւատալի եւ հրաշալի իրականութեան, որի մասին ես այստեղ աղօտ տեղեկութիւններ ունէի եւ որին ես ականատես եղա մեր մայր հայրենիքում հիացմունքով եւ յափշտակութեամբ:

Իմ տալաւորութիւնները ես գրի առի երախտագիտութեամբ, անսահման սիրով եւ խանդավառութեամբ, որովհետեւ մեր երկրի չքեղ իրականութիւնը ինձ այդպէս ներշնչեց: Իմ հայրենիքի հանդէպ արտայայտած այս մեծ համակրանքի եւ սիրոյ ու խանդավառութեան համար ես ոչ մի վշջում չունեմ եւ ոչ էլ ոչ ոքից ներողութիւն խնդրելու պարտաւոր եմ դրում ինձ: Սրանից տարբեր չէր անի եւ չէ արել ոեւէ ազնիւ ու մաքուր հայրենասէր հայ զրոյ ու մտաւորական:

Սակայն ես չէի կարող երեւակայել որ դտնէին հայեր, այն էլ ըստ իրենց գիշեր ցորեկ ազգի ու հայրենիքի համար մեռնելու պատրաստ «յեղափոխական» հայեր, որոնք ընդունակ լինէին ցնծալ եւ ոգեւորուել միայն այն ժամանակ երբ մեր հոյակապ ժողովրդի եւ երկրի մասին վատ լսեն եւ վատ խօսեն: Որոնք անկարող լինեն հանդուրժել երբ մի հայրենասէր ուղեւոր ուրախ եւ բարի «խապրիկներ է բերում մեր աշխարհէն»:

Պատասխանում եմ պրն. Վրացեանի այս կրքոտ եւ իր սեփական ժողովրդի հանդէպ թշնամական, վարկաբեկիչ յօդաածաշարին որպէս զի «մի բարի ձեռք»ը եւ նրա նման մաքուր հայրենասէրները հաստատ եւ անսասան մնան իրենց հաւատքի վրա: Պրն. Սիմէոն Վրացեանը կարօտ չէ լուսաբանութեան եւ փաստերի: Նա ժխտում եւ արհամարհում է ամեն փաստ եւ լուսաբանութիւն, որ նպաստաւոր է մեր հայրենիքին: Ես այնքան էլ միամիտ չեմ որ հաւատամ թէ իմ

պատասխանը հալածիչ Սողոսին՝ աւետարանիչ Պօլոսի կը փոխի: Ես չեմ գրում Սողոսների եւ ուխտեալ թերահաւատ թովմասների համար: Ես գրում եմ հայրենակարօտ դադութահայութեան համար, բարեմիտ դաշնակ շարքայինների համար, որոնցից պրն. Վրացեանը փորձում է թաքցնել մեր հայրենիքի պայծառ իրականութիւնը:

ՊՐՆ. ՎՐԱՑԵԱՆ ՀԱԿԱՍՈՒԹԻՒՆՆԵՐԻ ՑԱՆՅՈՒՄ

Խօսելով իմ դրքի մասին պրն. Վրացեանը գրում է. «Նորութիւններ չտեսա գրքի մէջ: Այդ ամենը յայտնի բաներ են ուրիշ աղբիւրներէից աւելի մանրամասն եւ փաստացի: Ես դիտեմ, որ հայ ժողովուրդը ուր էլ որ լինի, անդուլ ստեղծագործում և ծաղկեցնում է երկիրը»:

Ինքս էլ հէնց միեւնոյն բանն եմ ասել իմ դրքում՝ շեշտելով անշուշտ, թէ «հայ ժողովուրդը ստեղծագործում եւ ծաղկեցնում է» երկիրը շնորհիւ Սովետական Միութեան եղբայրական ժողովրդների բերած լայն եւ մեծասիրտ օժանդակութեան եւ նրանց հզօր պաշտպանութեան ընծայած ցանկալի խաղաղութեան: Պրն. Վրացեանը ընդունում է որ ուրիշ գրողներ, ուրիշ այցելուներն էլ նոյն տեղեկութիւններն են տւել միայն թէ «աւելի մանրամասնօրէն եւ աւելի փաստացի»: Շատ լաւ եւ շատ բարի:

Մի րոպէ մտածում ես թէ պրն. Վրացեանի եւ իմ միջեւ տեսակէտի տարբերութիւն չկա: Թէ իմ համեմատաբար շատ տկար փաստերը զօրացնելու համար պրն. Վրացեանը պիտի տա աւելի մանրամասնութիւններ եւ տպացոյցներ մեր ժողովրդի փառաւոր վերելքը աւելի ցայտուն եւ արժանաւոր կերպով ներկայացնելու համար քան որ ինձ յաջողւել է անել:

Բայց յանկարծ պրն. Վրացեանը խելքի է ընկնում, որ իր տրամաբանութիւնը խիստ վտանգաւոր ուղիով հակառակ է դնում Սովետական Հայաստանի հանդէպ իր հոգում կուտակւած քինախնդրութեան եւ թշնամութեան:

Նա խկոյն իրեն ուղղում է թէ Հայաստանում ինչ որ կատարւել է, դա եղել է «հակառակ սովետների դաժան եւ ազատ նախաձեռնութիւնը կաշկանդող վարչաձեւի»: Նա ոչ միայն պնդում է թէ սովետների վարչաձեւը ոչ մի կերպով չէ օգնել մեր երկրում ծաւալող ստեղծագործութեանն ու ծաղկմանը, այլ նա շեշտում է թէ այդ փայլուն վերելքը կատարւել է հակառակ սովետների վարչաձեւի, հայ ժողովրդի «հրաշապօրծ հանճարով» միայն:

ՀԱՅ ԺՈՂՈՎՈՒՐԴՆԵ՝ ԱՌԱՆՁԻՆ ԵՒ ԱՊԱ ՍՈՎԵՏՆԵՐԻ ՎԱՐՁԱՁԵԻՒ ՆԵՐՔԵԻ

Տեսնենք թէ իրականութիւնը եւ պատմական անողոք փաստերը ի՞նչ են ասում այդ մասին :

Այն շատ սիրելի հողամասում, որ Սովետական Հայաստանն է հիմա, հայ ժողովուրդը ապրել է հազարաւոր տարիներով : Այդ հողամասն է եղել մեր պետական, կրօնական եւ մշակութային կեանքի առանցքը :

Յաւոտ վէրքերի նման այս հողամասը ծածկել էին բազմաթիւ ընդարձակ ճահիճներ, շրեք եւ չոր ու տխուր անապատներ : Այդ երկարածիք տարիների տեւողութեանը եւ պրն. Վրացեանի դիւաւորած հանրապետութեան ցաւազին ու մռայլ օրերում ճահիճները մնացել էին էլի նոյն հիւանդութեան եւ մթեղների բոյն, ղռերը մնացել էին իրենց տեղում եւ արևակէզ ու անբեր անապատներում օձերն ու մոռչէսներն էին տիրապետում :

Սովետների «կաշկանդող» վարչաձեւի օրովն էր եւ նրա շնորհիւ որ ղռերն եւ ճահիճները չորացան մեր ժողովրդի վէրքերի նման եւ մրդաշատ այգի եւ անդաստան դարձան : Անապատներում օրհնութեան երգի նման հնչեց խուժող, կենսատու ջրերի ուրախ կարկաչը եւ ծաղկուն պարտէզներ ու ցորենի ոսկի արտեր եւ շէն ու բարգաւաճ գիւղեր ելան այնտեղ ուր օձերն ու մողէսները արդէն թողել, հեռացել էին :

Հայաստանի նւիրական հողը իրեն ընդերքում ունէր անվերջ եւ անդերազանց շինանիւթ, մետաղ, հանքային թանկարժէք նիւթեր եւ անհուն բարիք : Եւ սակայն այդ ամենը մնում էր թաղած մեր ժողովրդի արիւնով ներկւած այդ հողի ներքեւ՝ հեռու եւ անհաս ամեն բանի կարօտ մեր ժողովրդից :

Սովետներն էին որ պատռեցին մեր հողի փարթամ եւ բարի ծոցը եւ այն տեղից լոյս աշխարհ հանեցին բնակարան, եւ հարստութիւն եւ պարարտանիւթ, եւ գործիք ու երջանկութիւն :

Բարիքով յորդող Սեւանի չքնաղ լճից դուրս էր թափւում պատմական Հրազդան գետը՝ իր վաղքում թաղած անհաշիւ գանձ եւ լոյս եւ ուժ եւ ծիծաղ : Բայց նա հոսում էր խելար եւ աննպատակ եւ անտարբեր անց էր կենում մեր չոր ու պապական հանդերի եւ այգիների մօտով առանց մի կաթիլ ջուր տալու նրանց :

Սովետական վարչաձեւն էր որ նրա ընթացքը սանձեց եւ նրա երկայնքին բարձրացրեց ուժի եւ լոյսի հզօր կայաններ : Այդ հսկայա-

կան ուժով դառնալ սկսան նորակերտ դործարանների անիւներն ու մեքենականութիւնը: Այդ լոյսի գետերով, ձէթի եւ նաւթի ճրագների փոխարէն, ելեկտրական լամբերի հեղեղներով լուսաւորւեցին Հայաստանի քաղաքները, հիմնարկները, նոյնիսկ հեռաւոր գիւղերի շէն ու երջանիկ գիւղացու զւարթ բնակարանը:

Քսենեֆոնի օրերից ի վեր մեր գիւղացու տունը մնացել էր գետնափոր ու մռայլ մի խրճիթ: Իսկ մեր քաղաքները փողոտ ու նեղ եւ ոլորապտոյտ փողոցներով, անհրապոյր եւ ողորմելի տներով՝ ասիական յետամնաց, մթեղաշատ գիւղեր էին:

Սովետներն էին որ փողոտ, անհրապոյր եւ վատառողջ այդ տխուր գիւղերի փոխարէն, ասես մի պայծառ մոզութեամբ, կանգնեցրին շքեղ եւ լուսաւոր ու ծիծղուն քաղաքներ հոյակապ շէնքերով եւ ծաղկուն պուրակներով:

Վճիտ ու սառնորակ լեռնային աղբիւրներով, արագավազ ու մաքուր գետերով հարուստ Հայոց Աշխարհում, հազւագիւտ բացառութեամբ, մեր ժողովուրդը մի կաթիլ մաքուր եւ պաղորակ ջրի կարօտ էր քաշում:

Սովետների վարչաձեւն էր որ բոլոր գիւղերում եւ քաղաքներում հոսեցրեց մեր լեռների անմահական աղբիւրների ջուրը եւ փողոցներում եւ բակերում եւ տներում հնչեց հեռաւոր լեռների կախարդական ջրերդը:

Այո՛, հրաշագործ եւ մեծահանճար էր հայ ժողովուրդը այն մռայլ օրերին ինչպէս որ է նաեւ այսօր: Բայց նա ո՛րք էր եւ անօդանական՝ ընկած աւազակների եւ բռնաւորների սմբակների ճանապարհի վրա: Եւ իր բովանդակ հրաշագործ ուժով եւ հանճարով նա մնում էր յետամնաց, անգրագէտ եւ մարդավայել մի ապրուստի ամենատարրական միջոցներից դուրկ: Նա անխնայօրէն տրորւում էր արշաւող հորդանների սմբակների ներքեւ: Նրա մէկ օրւա շինածը յաջորդ օրում քար ու քանդ էր լինում:

Իր սեփական ուժով, իր մերկ եւ արիւնող բռնեցքով նա անգոր էր իր հողից, իր հանդից, իր հնձանից, իր սրբավայրերից, իր դռնից, իր տնից եւ անգամ իր առագաստի նւիրականութիւնից հեռու պահել ընչաքաղց, բռնակալ, վաճառ, ոճրագործ եւ վաւաչոտ թշնամուն:

Մեր ժողովրդի հրաշագործ ուժն էլ, նրա մեծ հանճարն էլ Զանգուի բարիքով առատ ջրի նման վատնւում, աննպատակ թափւում, գնում էր:

Սովետական ռուս մեծասիրտ ու բարի ժողովրդի օգնութիւնն

էր, Սովետական Միութեան եղբայրական ժողովրդների անխարդախ բարեկամութիւնն ու հզօր պաշտպանութիւնն էր որ հաց, նիւթ եւ մեքենա եւ խաղաղութիւն տւեց, որ դործիք ու քաջալերութիւն ապահովեց հայ ժողովրդի համար:

Առանց այդ մեծահոգի, բարեբախտ օժանդակութեան, առանց այդ վստահ պաշտպանութեան՝ մեր ժողովրդի բնատուր հանձարն եւ ստեղծագործական մեծ կարողութիւնը դարձեալ կը մնային անիմաստ եւ ապարդիւն: Եւ մեր երկիրը կը մնար այն ոչորմեքի եւ արգահատելի վիճակում, որով նա մնացել էր դարեր դարերով:

Իսկ ձեր օրպակաս հանրապետութեան շրջանում, պրն. Վրաց-
եան, սովն ու համաճարակը, բռնութիւնն ու տնտեսական եւ բարոյա-
կան քայքայումը այնպիսի աննախընթաց չափերի հասան, որ հայ ժողովրդին իր ստոյգ անյայտացման եզրը հասցրին: Կէս միլիոն հայերի ահաւոր կտրուտը մնում է ձեր զլխաւորած հանրապետութեան անբաւելի ոճիրը:

Խոշոր նիւթական օժանդակութիւնն էլ մեզ պէս մի փոքր ժողովրդի համար անպէտք եւ անօգուտ է հանդիսանում, եթէ այն դործածւում է այդ ժողովրդի շահերին ներհակ նպատակների համար: Նիւթական օժանդակութիւնը իրեն հետ պիտի ունենա օժանդակող հզօր երկրի անկեղծ եւ անսպասան բարեկամութիւնը:

Առէք մեծատաղանդ, մեծագործ եւ մեզ եղբայրակից ու դարերով բախտակից յոյն ժողովրդին: Նրանք էլ եթէ մեզնից առաւել հրաշա-
վործ չեն, աւելի պակաս էլ չեն: Նրանք էլ նիւթական վիթխարի օժանդակութիւն են ստացել եւ տակաւին ստանում են սովետների հակառակորդ մեծ պետութիւններից: Բայց այդ օգնութիւնը դալիս է թէեւ օժանդակութեան պիտակով եւ սակայն բոլորովին տարբեր նպատակի համար եւ բոլորովին տարբեր ձեւով: Այդ «օգնութիւնը» տրւում է, որ մեծ պետութիւնների Ֆինանսի կայսերների շահերը ստոյգ եւ ապահով մնան, որ այդ շահերը պաշտպանող ռազմային ճանապարհները բաց պահւին, որ պատմութեան մեծ ոճրագործ եւ բռնակալ Թուրքիայի ամբողջականութիւնը պահպանւի ի հաշիւ դաշ-
նադրով հաստատուած «փոքր դաշնակից» հայ ժողովրդի պատմական հողերի:

Այդ վիթխարի դումարները թափւել եւ թափւում են անբախտ յոյն ժողովրդի արիւնարբու միապետականների, Հիթլերի երէկւա ստոր գործակիցների (ականջը խօսի Դրոյի եւ իր կառավարութեան) եւ յոյն տղրուկ վաշխառուների արիւնոտ գանձարանում:

Բայց վերելքի եւ շինարարութեան փոխարէն Յունաստանում

չարունակում է քանդում եւ քայքայում, առատութեան փոխարէն թշուառութիւնն եւ սովն են տիրում, խաղաղութեան փոխարէն եղբայրասպան, արիւնոտ կռիւներ են մղւում նոյնիսկ այս օտար «բարերար»ների ուղղակի պահանջով, ցուցմունքով եւ ստիպման ներքեւ: Եւ տասնեակներով, հարիւրներով եւ հազարներով սքանչելի եւ անվեհեր եւ անընկճելի յոյն յեղափոխական կին ու սղամարդ հրացանադարկ են լինում այդ անպատմելի բռնութեան դէմ դուրս եկած լինելու մահացու յանցանքի համար:

Եւ գետերի նման հոսող «օգնութեան» այս հեղեղում՝ պատմական փառապանծ եւ հերոսական Յունաստանը փուլել է թշառ, քանդված եւ արիւնաքամ:

Հայ ժողովուրդը իր ճակատին ստոր ապերախտի մնայուն խորանը պիտի կրէ եթէ երբեւիցէ մոռանա ուռս մեծ ժողովրդի փրկարար, անձնուրաց օգնութիւնը, Սովետական Հղօր Միութեան եղբայրական ժողովրդների պաշտպանութիւնն ու բարեկամութիւնը:

Այն հայը, որ սրանից տարբեր է մտածում, տարբեր է արտայայտւում եւ տարբեր է գործում՝ նա՛ դաւաճանում է հայ ժողովրդի ամենանւիրական զգացումներին, նա մի ստոր ապերախտ է:

Պրն. Վրացեանն եւ իր համախոհները վերջին 30 տարիների ընթացքում խօսքով ու գործով դէմ են դնացել հայ ժողովրդի երախտադիտական այս շատ ջերմ եւ անկեղծ զգացումներին: Իրենց հանրապետութեան օրով նրանք փորձեցին սրով եւ հրով անկարելի դարձնել անօգնական եւ թշառ հայ ժողովրդի եւ ցարերի անարդ լծից ձերբազատւած ուռս մեծ ու հղօր ժողովրդի մերձեցումը: Հայաստանի աշխատաւորների երկաթէ աւելներով երկրից դուրս չարտւելուց յետո՛ւ արտասահմանում որջացած՝ նրանք ամեն կարելի միջոցի առաջ կանդ չեն առել խաղաղ եւ լուսաշող վերելքով բախտաւորւած մեր ժողովրդին բաժանելու իրեն պաշտպան ուռս մեծասիրտ ժողովրդից: Սովետական Միութեան հղօր պաշտպանութիւնից: Նրանք փորձել են մի անգամ էլ հայ ժողովրդին յանձնել բռնակալներին եւ կեղեքիչներին եւ արեւմտեան պետութիւնների դիւանագիտական դառամած գայլերի սոսկալի ողորմածութեան:

«ԴՐՍԻ ՀԱՅԱՍՏԱՆ»Ի ՍՏԵՂԾՄԱՆ ՁԱՆՔԵՐԸ

Բարեբախտաբար պրն. Ս. Վրացեանն ու նրա ընկերները չարապարտել են եւ պիտի պարտւեն օտար յետադիմական շրջանակաների հաշին իրենց սեփական ժողովրդին կործանման առաջնորդելու այս անպատիւ աշխատանքում:

Մինչեւ հիմա նրանք պէտք է որ գլխի ընկած լինեն թէ իրենց եւ իրենց տէրերի ուժից եւ հասողութիւնից շատ վեր է մնում Հայաստանը: Բայց կա եւ մնում է հայրենասէր եւ հայրենակարօտ սիւրբօրի հայութիւնը, որին պրն. Վրացեանը «Դրսի Հայաստան» անունն է փակցրել, ի հարկէ շատ չիլ նկատումներով:

Վրացեանն ու նրա ընկերները ռեւէ միջոցի առաջ կանգ չեն առնում հայրենասէր գաղութահայութիւնը «Դրսի Հայաստան»ի վերածել եւ աշխտեղ շինել իրենց ռազմակայանները Եւրսի Հայաստանի դէմ կուսելու համար: Իսկ գաղութի հայութիւնը մնում է կանգնած իր ժողովրդի եւ մայր հայրենիքի կողքին Մասիս Սարի պէս հաստատ եւ անսասան:

Միջադպիւն քաղաքականութեան այս փոթորկալից օրերին Վրացեանն ու ընկերները այլեւս մէկ կողմ են չպրտել ամեն «հայրենասիրական» կեղծիք եւ Հայաստանի «լոյալ», գաղափարական հակառակորդի ամեն պատրւակ: Նրանք հիմա այս պղտոր եւ դարչահոտ ջրում իրենց ձուկն են փնտռում: Նրանց լեզուն շատ է երկարել: Մոռացել են հիտլերական Գերմանիայի պատերազմական արիւնոտ կառքին իրենց դեռ երէկ կապւած լինելու ահաւոր իրականութիւնը: Կարծում են որ մի քանի յետադիմականների պիտի յաջողւի ամերիկեան փառասպանծ եւ մեծ դեմոկրատին, Լինքոլնի, Ուիլսոնի եւ Ռուզվելթի աղատատենչ հայրենիքը ռազմատենչ եւ կուսական մի բիրտ ուժի վերածել՝ որպէս սպառնալիք կախւած պահելու համար համաշխարհային խաղաղութեան գլխին:

Պրն. Վրացեանի եւ իր գործակիցների այս տեսակի տխմար երազներն էլ յօդս պիտի ցնդեն: Եւ նրանք պիտի մնան դարձեալ օդում՝ առկախ:

Տակաւին յուսալից եւ իրենց համար նպաստաւոր կարծւած այս վայրկեանին պրն. Վրացեանը մոռանում է ամեն պատշաճութիւն եւ զգուշութիւն եւ աջ ու ձախ նախատինք եւ հայհոյանք է չպրտում հայ ժողովրդի պայծառ իրականութիւններով ոգեւորւած ամեն անհատի հասցէին:

Նա կրակ ու բոց է ժայթքում Ամենայն Հայոց Վեհափառ Հայրապետի եւ ապա մեր դրականութեան պարծանք եւ պատկառելի նահապետ Աւետիք Իսահակեանի դէմ, որովհետեւ նրանք ներքոյել են հայրենադարձի պատմական եւ մեծ իրականութիւնը: Որովհետեւ նրանք անսասան հաւատք են յայտնել մեր պատմական հողերի վերստացման մասին: Որովհետեւ նրանք դատապարտել են Թուրքիայի հողերի ամբողջականութեան պաշտպանութիւնը ի վնաս մեր պատմական հողերի պահանջին:

Նա առանձին գոհունակութեամբ եւ հաճոյքով է ծաղրի ենթարկում Հայաստանի ղեկավարները եւ Սովետական կառավարութեան խոհեմ եւ զգոյշ ընթացքը, որովհետեւ միջազգային քաղաքականութեան ներկա պայթուցիկ կացութեան հետեւանալով նրանք չեն փորձում հայկական հողերի պահանջը միջազգային մի երրորդ ահաւոր պատերազմ առաջացնելու աստիճան առաջ բշել: Որովհետեւ արտասահմանի որոշ մասերում հայրենադարձի գործը սպասում է աւելի խաղաղ եւ բարւոք պայմանների: Նա գոհունակութեան չար քրքիջ է արձակում, որ նոյն այդ կացութեան հետեւանալով սփիւռքի որոշ մասերի եւ մայր հայրենիքի միջեւ աւելի հեշտ եւ սերտ մշակութային եւ եղբայրական կապ չի պահւում: Գուցէ պը. Վրացեանին ծանօթ չէ ժողովրդի այն իմաստուն ասացածքը թէ ժամանակ կա «երբ լռելը — ոսկի է» իսկ խօսելը ոչ թէ արծաթ, այլ անմիտ մարդու գործ է:

Թէ հայրենադարձը պիտի շարունակւի եւ իրականութիւն պիտի դառնա հայ ժողովրդի միատեղումը, թէ մեր հողային պատմական արդար եւ միջազգային դաշնադրերով հաստատւած պահանջները պիտի լուծեն մեր ժողովրդի ցանկութեան համաձայն, այդ մասին միայն հայրենատեացներն ու հայ ժողովրդի թշնամիները կարող են կասկածել:

ՍԱՆՁԱՐՁԱԿ ՄԵՂԱՒԻՐԱՆՔՆԵՐ ԵՒ ԶՐՊԱՐՏՈՒԹԻՒՆՆԵՐ

Պրն. Վրացեանը, որ այսքան մոլեգին կրքով եւ ատելութեամբ եւ արհամարհանքով է խօսում Հայաստանի վարչաձեւի, մտաւորական եւ գրող ղեկավարների եւ առհասարակ գործերի ընթացքի մասին, չգիտեմ ինչո՞ւ շատ է դայրացել եւ դարմացել որ Հայաստանի գրողների վարչութիւնը՝ գրողների համագումարին մասնակցելու չէ հրաւիրել ծանօթ դաշնակ, Հայաստանի թշնամի եւ դասալիք գրողներին: Կարծում էի թէ նախկին «վարչապետ»ը հասկանում է քաղաքավարական այն տարրական սկզբունքը, որ ոչ մի մարդ իր յայտնի եւ անուղղա թշնամուն իր տանը չի հրաւիրում: Եւ թէ նրա թշնամիները մի այսպիսի հրաւերի մասին մտածելու անգամ իրաւունք չունեն:

Մեծ «վարչապետ»ին շատ է դայրացրել նաեւ Ամենայն Հայոց բաղմահմուտ Հայրապետի շատ լուրջ եւ տեղին քննադատութիւնը նախասովետական հայ ղեկավար շրջանակների անդլիասէր եւ հակառու խելադար քաղաքականութեան մասին: Սա մի կործանարար եւ ինքնասպան զիրքաւորում էր, որ սկսեց Բերլինի չարաբախտ վեհաժողովի օրերից եւ տարածեց մինչեւ հայկական կոտորածները, մինչեւ 1915-ի աննախընթաց տեղահանութիւններն ու մէկ ու կէս միլիոն հայերի ոչնչացումը, մինչեւ Կարսի, Արտահանի եւ Սուրմալուի նահանգների աղէտալի կորուստը:

Այս ժողովրդաստան քաղաքականութեան վերջին եւ յամառ ծառան եւ Կարս ու Արտահան եւ Սուրմալու նահանգները Կարաբէքերին նէշր տուող այս նախկին «մեծ եպարքոսը» լաւ կ'անէր որ մի քիչ աւելի լրջօրէն եւ բաց մտքով ուսումնասիրէր մեր ժողովրդի պատմութեան այս վատթարագոյն շրջանի դէպքերը: Ձեռք ձգէր եւ կարգար Ներսէս Վարժապետեանի անհատական նամակները (որոնցից երկուսի բնագիրը կարող է տեսնել ամբերիկահայ ծանօթ մտաւորական պրն. Յովսէփ Իլնատիոսեանի մօտ), ուսումնասիրէր Լէօի «Հայկական Յեղափոխութիւն» կարեւոր երկը, եւ Հայոց Պատմութիւնն առհասարակ եւ ապա իմացած-չիմացած բաներով հրապարակն ազմիկէ փորձէր: Բայց նա առաջին հերթին լաւ կ'անէր որ կարգար եւ սրբադէշր իր սեփական սիրտը:

Հասարակ մի թուրքալի նման կրկնելով համաշխարհային դեղին մամուլի ամենօրեա ստերն ու զրպարտութիւնները, պրն. Վրացեանը յայտարարում է թէ «Ձինական պարիսպ է քաշւել» Հայաստանի շուրջ եւ թէ «25 տարի է որ մարդիկ մի պարզ նամակ իսկ չեն կարողանում փոխանակել միմեանց վիճակը իմանալու համար, եւ պէտք է, որ մի Սիտալ դայ, որպէս զի իրենց սրտակիցների մասին լուր առնեն»:

Այս դարչելի զրպարտութեան իբրեւ հիմք նա ծառայեցնում է ամբերիկահայ ծանօթ նկարիչ եւ նկարչութեան ուսուցիչ Յովհաննէս Հիւսեանի երեք քոյրերի մասին իմ գրքում եղած կարօտի, սիրտ եւ աղապատանքի յուզիչ դրւադը:

Այսպիսի անպատասխանատու եւ անճիշտ մի շատախօսութիւն թղթին յանձնելուց առաջ արդեօք պրն. յօդւածագիրը նեղութիւն յանձն առե՞լ է ստուգելու թէ Հիւսեան եւ իր քոյրերը իրար հետ թղթակցում են թէ ոչ: Ձէ որ Հիւսեանը բաղմաթիւ դաշնակ աղղաւկաններ ու ծանօթներ ունի Բոստընի շրջանում: Ձէ՞ որ նա հանրայայտնի դէմք է Ֆիլադելֆիայում: Եթէ նա ճշմարտութիւնը ստուգելու ելնէր ապահովաբար նկարիչ Հիւսեանը իր քոյրերից ստացած մի մեծ տրցակ նամակներ նրա անհաւատութեամբ կուրացած աչքերի մէջ պիտի խոթէր: Ողբալին այն է որ պրն. Վրացեանին երբեք էլ չի մտահոգում իրողութիւններն ստուգելու ծանձրոյթը — նրան չեն հետաքրքրում իրողութիւնները:

Իր յօդւածաշարքում պրն. Վրացեանը յարուցել է մի շարք ուրիշ խնդիրներ եւս, որոնք ոչ մի ուղղակի առնչութիւն չունեն իմ նիւթի — Հայաստանի վերելքի — նրա Արեւածագի հետ:

Սրանց մէջ աչք ծակող կրքով ինձ դէմ ուղղւած անհատական փոքրոգի եւ կոպիտ յարձակումներ կան, որոնց ես չեմ իսկ զիջում պատասխանել:

Նմանապէս անօգուտ եւ անտեղի եմ համարում «սարէն, ձորէն» հաւաքած, անյարակից, անկապ ամեն կարգի հարցերին պատասխանել, որովհետեւ դրանք իմ գրքի եւ նիւթի հետ ոչ մի կապ չունեն եւ նրանց պատասխանը մեզ մի տեղ չի հասցնի: Ես նաեւ ուզում եմ յայտնել պրն. Վրացեանին եւ իմ ընթերցողներին, որ իմ այս պատասխանով ինձ համար այս խնդիրը փակւած եմ համարում որովհետեւ մենք երկուսս տարբեր լեզու ենք խօսում:

ԵՄ ԳՐԵԼ ԵՄ ԲԱՅՆՐԻ ԵՒ ԹԵՐԻՆՆԵՐԻ ՄԱՍԻՆ

Հայաստանի լուսաւոր ու նպաստաւոր կողմերը, որոնք շա՛տ են եւ դերադանց, ես տւել եմ ողբերգութեամբ եւ յուզմունքով: Սակայն ես չեմ մոռացել նշելու նաեւ Հայաստանի դեռ շատ երիտասարդ, եւ անսահման աւերածութիւն եւ դժարութիւն ժառանգած սոցիալատական հանրապետութեան բացերն ու թերիւնքը: Պրն. Վրացեանը պնդելով պնդում է որ իմ գործը սովետական վարչաձեւի միակողմանի փառաբանութիւնն է: Ասում է նա «Սիտալի համար Հայաստանում թերիւնք եւ բացեր չկան»:

Ազնիւ ընթերցողների ուշադրութեան եմ յանձնում իմ վրքի 52րդ էջում երեւցող հետեւեալ տուեքը.—

«Ձեմ ուզում սակայն այն տպաւորութիւնը թողնել, որ այսօր մեր երկիրը մի կատարեալ դրախտ է, որ բացեր ու պակասներ չկան: Որ մեր ժողովուրդը եկել, հասել է մի տեղ, ուր այլեւս նոր յաղթանակներ չկան շահելու, ուր նոր եւ տւելի մեծ բարձունքներ չկան հասնելու:

«Այսպիսի մի թելադրութիւն տնդամ դարհուրելի անարդանք պիտի լինէր հայ ժողովրդի եւ նրա տիրտանական, փառաւոր աշխատանքի հանդէպ:

«Մեր երկիրը նման է այն վիթխարի շինարարութեան, որի միայն հիմքերը եւ դուցէ պատերի մի մասն են դրւած: Մեծ, հոյակապ, լուսաւայծառ կառուցւածքը ամբողջացած լինելուց տակաւին հեռու է: Բայց այդ մեծափառ շէնքի կառուցումը շարունակում է կայծակնաթափ, լուսավազ արագութեամբ:

«... Իրականութիւնից աւելի ստոյգ աւարտման լուսաշող այս հեռանկարն է, որ մեր ժողովրդին մոռացնել է տալիս ապրանքի, բնակարանի եւ շուկութեան առարկաների պակասն ու անյարմարութիւնները:

«Ո՛չ կառավարութիւնը, ո՛չ մտաւորականները, ո՛չ գրողներն ու արեստագէտները եւ ոչ էլ մեր հիւանալի ժողովուրդը չեն ցանկա-

նում, որ այստեղ կատարուող հրաշափառ վերելքի եւ յառաջդիմութեան հետ չը շփուին նաեւ դոյութիւն ունեցող բացերն ու պակասները: Այս բացերը, սակայն, նախասովետական շրջանից մնացած տխուր ժառանգութիւններ են: Նկատի ունենալով ցարդ կատարւած մեծազործութիւնները՝ անվարան կերպով կարելի է ասել թէ շատ մօտիկ ապագայում այս բացերը պիտի դառնան լոկ անցեալից մնացած մռայլ յուշեր»:

Միթէ վերելի իմ այս տողերից աւելի ցայտուն եւ անկոչմնակալ կերպով կարելի՞ է տալ նորակառոյց եւ երիտասարդ մի երկրի բացերն ու պակասները, որոնք ինչպէս որ ասել եմ անցեալից մնացած տխուր ժառանգութիւնների հետեւանք են:

Բայց պրն. Վրացեանի եւ իր համախոհների փնտռածն ա՛յլ է: Նրանք շատ լաւ են իմանում որ վերեւ մատնանշած բացերն ու պակասներն անգամ չեչտում են մեր ժողովրդի չքեղ եւ յաղթական դրոհը դէպի այն լուսաւոր երջանկութիւնը, դէպի այն ծով լիութիւնը որ կայծակնաթափ շինուող նրա փառահեղ կառուցւածքն է խորհրդանշում:

Նրանց փնտռածը բամբասանքն է: Անդո բռնութեան, հալածանքի, մտքերի եւ հոգու կաշկանդման, ժողովրդի իրաւունքների ոտնակոխման այն մտացածին, պառաւական հէքեաթները, որոնք իրենց միամիտ եւ թշառ չարքայիւններին են հրամցնում որպէս հոգու եւ մտքի կերակուր՝ նախաճաշի, ճաշի եւ ընթրիքի ընթացքում:

ՀԱՆՔԱՆԾԱՆՔԻ ԵՒ ՍՍՐՍԱՓԻ ԱՌԱՍՊԵՆՆԵՐԻ ԵՐԿՐՈՐԴ ՏՊԱԳՐՈՒԹԻՒՆԸ

Հակասովետական առասպելների դերեղմաննոցից եւ դադադից պրն. Վրացեանը այժմ դուրս է բերել վաղուց թաղւած, օտար դեղին մամուլի զօրավարների կողմից անգամ մեռած եւ անկենդան համարւած մի հին, փտած առասպելի ոչորմելի կմախքը — սովետական վարչաձեւը վարկարեկելու համար:

Սա Տրոյկիական-Բուխարինական անարդ դաւաճանների դործակից հայ վնասարարների եւ դաւաճանների դէմ աւելի քան 12 տարի առաջ ի դործ դրւած մաքրադործումի մասին սովետատեսացների շինած Փանթաղիայի ժանտահոտ դիակն է, նրա պժգալի կմախքը:

Իրենց հայրենիքն ու ժողովուրդին Հիտլերի Գերմանիո եւ կոդոպտիչ Ճապոնիային երեսուն արծաթի ծախող այդ ստոր դաւաճանների շարքում, որոնք հասել էին սովետական երկրի պետական դէմքերի, կուսակցական դործիչների, եւ գրողների ու մտաւորականների

պատւաւոր զիրքերին, գտնւեցան նաեւ հայ դաւաճաններ: Որակէս իրենց ժողովրդի դէմ դաւաճանողներ ի եւ վնասարարների այս անազնիւ եւ անարժան հայերն էլ պատժւեցին իրենց յանցանքի ծանրութեան եւ լրջութեան համապատասխան չափով:

Նրանք պատժւեցին ոչ թէ իրենց գիտական ըմբռնումների, ընկերային գաղափարների եւ գրական ուղղութեան համար, այլ իրենց ստոր հայրենադաւուրեան հետեւանքով:

Յաջորդական մեծ եւ աշխարհացունց դէպքերը երեւան բերին թէ որքան զգօն եւ հեռատես եւ արդարացի էր սովետական ղեկավարութիւնը, որ կարողացել էր ուղիղ ժամանակին եւ տեղն ու տեղը ջախջախել «դրսի» քաջալերութեամբ եւ ցուցմունքով իրենց սեփական ժողովրդին մահացու կերպով խայթելու պատրաստող այդ ժանտիժերի դուրսները:

Ամենակատաղի հակասովետ մի պետական անձնաւորութիւն, Չըրչիլն անդամ յայտարարեց թէ այդ դաւաճանների եւ վնասարարների մաքրագործումը ոչ միայն փրկեց սովետական ժողովուրդներին, այլ համայն մարդկութեան համար ապահովեց ցանկալի յաղթանակը հիտլերական հաւաքը բռնութեան դէմ: Բայց պրն. Վրացեանը միայն այս հին եղանակը զիտէ եւ երգում է խժալուր եւ անվերջ:

Նա անամօթաբար յայտարարում է թէ Հայաստանի դրողը ենթակա է անյուր բռնութեան, թէ նրա միտքը կաշկանդւած է, թէ նրա կեանքն անդամ մշտական սպառնալիքի ներքեւ է գտնուում: Բայց ի՞նչ է իրականութիւնը:

ՀԱՅԱՍՏԱՆԻ ԳՐՈՂԸ ՇՐՋԱՊԱՏԻԱԾ Է ՍԻՐՈՎ ԵՒ ԳՈՒՐԳՈՒՐԱՆՔՈՎ

Հայաստանի տարեկան մէկ ու քառորդ միլիոն պետական բիւզջէի 25 տոկոսից աւելին ծախսուում է ուսման եւ մշակոյթի պանծացման համար:

Այնտեղ շատ կարճ ժամանակում ընդհանրական անդրաճանաչութիւնը համատարած դրադիտութեան է վերածւել:

Այնտեղ աչքի լոյսի նման դուրդուրում եւ պահպանում են մեր անցեալի մշակոյթի ամեն մի փոքր նշխարն ու դործը:

Այնտեղ ժողովրդի բերանից եւ փոշիների տակից երկիւղածօրէն եւ ծրագրւած աշխատանքով հաւաքում են մեր ժողովրդական անգիր բանահիւսութեան թանկարժէք դանձերը — երգեր, հէքեաթներ, աւանդավէպեր, ասացւածքներ, դաւառական եւ տեղական բառեր ու սովորասիրութեան եւ մշակման համար:

Այնտեղ փառակազմ եւ չքեղ հատորներով լոյս են ընծայւում եւ լայն խաւերին ծանօթացւում Եղնիկի, Եղիշէի, Խորենացու, Շիրակացու, Նարեկացու եւ միջնադարեան մեծ երգիչների Գուշակի եւ Սոյաթ Նովայի եւ բազմաթիւ տաղասացների եւ դրողների, Աբովեանի ու Ռաֆֆու եւ Պարոնեանի, ու Դուրեանի եւ Նալբանդեանի, Տէրեանի եւ Թումանեանի, Մեծարենցի ու Վարուժանի եւ բոլոր արժէքաւոր հին ու նորագոյն դրողների ամբողջական երկերը :

Հայաստանի սովետ վարչաձեւի օրով էր, որ մոռացութեան փոշու տակից հանւեց եւ սքանչելի հրատարակութեամբ, քանդակներով, նկարներով, բալէտով եւ օպերայով հայ ժողովրդի եւ միութենական ժողովրդների ներշնչման եւ հիացմունքի առարկան դարձեց մեր ժողովրդի հանճարեղ, անմահ եւ յեղափոխական մեծ զիւցաղնալէսը — Սասունցի Դաւիթ, կամ Սասնա Ծռեր :

Այնտեղ ընթերցանութեան եւ մշակոյթի սէրը դարձել է իրական վայելք, օդի եւ ջրի չափ կարեւոր մի պահանջ :

Հայոց աշխարհում արժանաւոր դրողին տրւում է «հոգիների ճարտարապետ» վսեմ եւ նախանձելի ատոլոսը :

Գրի ու դրչի պանծացման մի այսպիսի երկրում, մի երկրում, ուր մշակոյթը ընդհանրական յարգանքի եւ անհուն վայելքի առարկա է դարձած, մի երկրում, ուր ամենափոքր ու հեռաւոր դիպն անպամ մասնակից է դարձած այս վայելքին ու յարգանքին — այսպիսի մի երկրում դրողին եւ մտաւորականին կարող են սպասել միայն համատարած եւ անկեղծ սէր, յարգանք ու դուրդուրանք թէ ժողովրդի եւ թէ պետութեան կողմից : Հայաստանի դրողն ու մտաւորականը նիւթական առատ վարձատրութիւնից դուրս, ստանում են նաեւ այս առանձին ուշադրութիւնը : Եւ նրանք աւելի քան արժանի են այդ սիրո եւ հոգածութեան :

Հայաստանի դրողը աշխարհի ամենախախտաւոր դրչի մշակն է : Որովհետեւ նա ապրում է վերելքով, հերոսութեամբ եւ յաղթանակներով հարուստ մի երկրում : Որովհետեւ նա մասնակից եւ ուղեյարդար է հանդիսանում բոլոր պայքարներում, կառուցման ամեն մի զործում, ամեն մի ստեղծագործական, գեղեցիկ աշխատանքում : Որովհետեւ իր երկրի պանծալի աշխատաւորութեան հետ եւ նրա առաջաւոր դիրքերից նա գրոհում է դէպի միշտ աւելի երջանիկ եւ լիառատ մի կեանք : Որովհետեւ նրա արեւստը յորդուն է ուժով, հաւատքով, գեղեցկութեամբ եւ խնդութիւնով : Որովհետեւ նրա դործը տողորւած է դէպի կեանքն ու մարդկութիւնը անսահման սիրով եւ համակրանքով : Որովհետեւ նա իր հերոսական եւ փառապանծ ժողո-

վրդի խիական դաւակն է, նրա հարադատը: Եւ որովհետեւ նա մի-
այն իր ժողովրդի եւ համայն մարդկութեան անձնուրաց եւ անչահա-
խնդիր ծառայութեան մէջն է տեսնում իր կեանքի եւ դործի իմաստը:

Ահա այսպիսի բերրի մի հողում եւ այսպիսի ճարտար եւ անձնու-
րաց գրչի մշակների ձեռքով է, որ ծաղկում, ուռճանում եւ փարթա-
նում է հայ ժողովրդի նորագոյն դպրութեան ոսկեդարը:

Բանաստեղծութեան, արձակի, թատերգութեան, բանասիրական
եւ գրական վերլուծումի մարդերում երեւան են եկել բազմաթիւ պայ-
ծառ դէմքեր ու տաղանդներ, գեղեցիկ ու տեւական արժէքով հա-
րուստ մի ստեղծագործական առատ հունձքով:

Այս գործերը բոլորովին նոր ու թարմ են իրենց շունչով, կեանքի
եւ իրողութիւնների մասին իրենց աշխարհայեացքով: Նրանց մէջ
բարասխում է մեր ժողովրդի հզօր ու հրաշագործող կեանքը եւ մի
հլբայրական, երջանիկ մարդկութեան չքեղ կերպարը՝ ողողւած նոր
տեսիլքներով, նոր եւ պայծառ հեռանկարներով:

Այնքա՛ն մեծ է թիւը մեծատաղանդ, արժէքաւոր սովետահայ
գրողների, որ մեծ անարդարութիւն եւ անարդանք պլտի լինէր նրանց
ամբողջականութեան՝ եթէ ես փորձէի տալ մի երկուտասնեակ անուն-
ներ որպէս ներկայացուցիչ այդ արժանաւոր գրչակիրների մեծ բա-
նակի, որպէս նմոյշ հոգիների այդ խոհական ճարտարապետների:

Եւ նրանք քայլում են հպարտ եւ խիղախ դէպի աւելի մեծարժէք
ու առատ մի գրական հունձք, դէպի աւելի ճոխ ու բովանդակայից
դպրութիւն, մի ոսկի մրդահաս:

Ո՞ՒՐ Է ՁԵԹԻ ՃՐԱԳԸ

Դւինի պեղումներից ինձ հետ յիշատակ բերած՝ հայ ժողովրդի
արիւնոտ անցեալը, նրա ահաւոր տառապանքը, նրա դարաւոր ըստըր-
կութեան անթափանց խաւարը խորհրդանշող ձեթի նրագը երեւի շատ
է ներդաշնակել պրն. Վրացեանի չարագուշակ եւ անյոյս տրամադ-
րութեան հետ: Ձէթի ճրագի հետ նրա ունեցած զգացմունքային եւ
հոգեկան այս նմանութիւնն է որ թշւառ եւ աթոռաղուրկ «Վարչա-
պետ»ին իր յօղածաշարքն էլ «Ձէթի ճրագը» անւանել է տեւել:

Այս տարօրինակ, հակասական եւ զրպարտիչ յօղածներում նա մի
բոլեւ ընդունում եւ միւս վայրկեանում ժխտում է մեր երկրի կայծակ-
նաթափ եւ հրաշալի վերելքը ճիշտ ինչպէս որ ձէթի ճրագը մի բոլեւ
տուկայծում է եւ յաջորդ ակնթարթում աղօտանում է մարելու աստի-
ճան: Նա ողբում է երջանիկ եւ ստեղծագործող մեր ժողովրդի ապա-

հով եւ նախանձեւի կեանքը որպէս զարհուրելի բռնութիւն ու տառապանք — որովհետեւ նրա կեանքը ողբալի եւ տխուր է: Նա ծաղրում է հայրենադարձի պատմական դործը եւ մեր դարաւոր հողերը թուրք զաւթիչների ձեռքից ազատելու հաւատքը, որովհետեւ նա ոչ հայրենադարձի յաջողութեան է ցանկանում եւ ոչ էլ մեր սրբազան հողերի սղատագրմանը:

Ներկա Հայաստանում յուսալից, ուրախ, լաւ մի բան նա չի տեսնում — այլ միայն սեւ ու խաւար եւ անյուսութիւն: Ասես չոր կմախքների եւ ամայութեան վրա թալրոտացող մի ցաւազար սեւ ազուռ լինի:

Նայում է նա իր մտքում շինած խաւար ու զարհուր աշխարհին եւ ապա ինքն իրեն հարց է տալիս. —

«Ա՞յս է մեր երկրի արեւածաղը»:

«Ո՛չ, արեւածաղ չէ, այլ մի ձէթի ճրագ» . պատախաճում է ինքն իրեն տւած այդ տխմար հարցին:

Յաւով եւ կսկիծով մտածում եւ թէ միթէ ատելութիւնը կարող է այսքան անբուժելի կերպով կուրացնել մարդկանց, որ կանգնեն, բաց աչքերով հուրհուրան, լուսայորդ արեւին նայեն եւ միայն ձէթի ճրագ տեսնեն:

Եւ Հայաստանի իրականութիւնը օրա պէս պայծառ եւ արեւի նման լուսայորդ է:

Սովետներից առաջ Հայաստանի ներկա հողամասը միշտ էլ եղել է սակաւահող եւ անկարող մեր ժողովրդին բաւարար ապրուստ հայթայթելու, նրան իմֆնաբաւ անելու:

Սովետների օրով շինւած ջրանցքների, չորացւած ճահիճների շնորհիւ մեր երկրի մշակելի հողերի տարածութիւնը ընդարձակեց եօթնապատիկ անգամ: Եւ շնորհիւ տրակտորների, կոմբայնների եւ գիտական մեթոտների մեր երկիրը դարձաւ առատ բերքի եւ մրգի երկիր:

Եւ մեր պատմութեան մէջ առաջին անգամ լինելով հայ ժողովուրդը դարձաւ իմֆնաբաւ եւ բարգաւաճ:

Պրն. Վրացեան, սա մի՞թէ ձէթի ճրագ է:

Փոքր ու ողորմելի կրպակների, հնակարկառի, դարբնի, հիւսնի եւ կորաքամակ դերձակի մէկ-երկու հողինոց անդրջրհեղեղեան խանութներն էին կազմում նախասովետական Հայաստանի բովանդակ արդիւնարեութիւնը:

Այսօր Հայաստանում ստեղծւել է Եւրոպայի մեծ երկիրներէի համար նախանձելի հսկա արդիւնաբերութիւն :

Արհեստական ուղիւնի , օդանաւաշինութեան , քիմիական նիւթերի , ալումինումի , մեքենաշինութեան , պահածոյի , խմելիքների , շաքարի , հիւսւածեղէնի , կերպասի , բրդեղէնի , գորգի , ցիմենտի ապակու , յախճապակու , ժամացոյցի եւ ամեն երեւակայելի ապրանք եւ գործածութեան առարկա պատրաստող վիթխարի , արդիական գործարանախմբեր են ծածկում մեր հպարտ հողամասը :

Այս մեծագործութիւնը պրն . Վրացեանի աչքին լոկ ձէթի ճրագ է երեւում :

Ըստ Ռուզվելթի մօտիկ գործակից եւ երկրի տնտեսութեան հարցերին քաջատեղեակ Զէսթըր Բոլզի , վերջին քսան տարիների ընթացքում Ամերիկայի ընդհանուր եկամուտը կրկնապատկւել է : Թաւալդը տնտեսական անկում ունեցող եւրոպական մեծ երկիրների բաղդատմամբ սա հսկա տնտեսական նւաճում է :

Մինչդեռ նախասովետական Հայաստանի 23 միլիոն բնակիչը արտադրութեան բաղդատմամբ Սովետական Հայաստանի ներկա արտադրութիւնը հասել է 1000 միլիոն բնակչու կամ 50 անգամ աւելացել է :

Ի հարկէ պրն . Վրացեանի դատողութիւնով սա լոկ ձէթի ճրագ է :

Գետնափոր խրճիթների , ցեխաչէն , յապառողջ , տգեղ դիւղերի եւ քաղաքների փոխարէն՝ մեր հրաշագործ ժողովրդի ձեռքով եւ սովետների վարչաձեւի ներքեւ այսօր մեր երկրի բոլոր մասերում ելնում է մի նոր երկիր : Կոկիկ եւ չէն դիւղեր , սիրուն բնակարաններով , տպաւորիչ , սքանչելի հիմնարկներով , կառավարական եւ մշակութային փառաւոր , գեղեցիկ շէնքերով , պուրակներով , ծառատուններով , լեռնային սառն ու վճիտ աղբիւրների ջրով օժտուած դեղածլիճաղ եւ դրաւիչ քաղաքներ են կանգնել հների փոշու եւ աւերակների վրա :

Եւ պրն . Վրացեանը այս ամենը ձէթի ճրագ է անւանում :

Դարձեալ , սովետներից առաջ (եւ ոչ թէ « հանրապետութեան » օրով , երբ միայն քառս եւ թշւառութիւն եւ սանձարձակ մաւիղերիստական աւազակութիւն էին տիրապետում) դպրոցական աշակերտների թիւը 18,000-ից չէր անցնում : Խօսել մասնագիտական հիմնարկների , համալսարանի , ակադեմիայի մասին դա կը լինէր խօսել անիրական ցնորքների մասին :

Այսօր մեր երկիրը ծածկւել է դպրոցական գեղեցիկ, լուսաւոր, արդիական շէնքերի մի մեծ ցանցով: Նախասովետական շրջանի ուսանողների թւի գրեթէ հաւասար՝ լաւ պատրաստւած, մասնագէտ, լաւ վարձատրւած ուսուցիչների մի պատկառելի անձնակազմ կա: Այսօր, նրանց ձեռքով կրթում եւ պատրաստում է 350,000-ի հասնող առոյգ, ուշիմ եւ խանդավառ մանուկների եւ պատանիների մի հզօր, պատկառելի բանակ՝ օգտակար, գիտակից եւ երջանիկ քաղաքացիներ դառնալու մեծ պատւի եւ պատասխանատւութեան համար:

Մասնագիտական հիմնարկները, համալսարանը եւ ապա հայ ժողովրդի մտքի եւ մշակոյթի լուսաւոր վառարանը — ակադեմիան՝ բազմաթիւ մասնագէտներով, նոր մեթոտներով եւ գիտական միջոցներով արժէքաւորում, իմաստ եւ բովանդակութիւն եւ նորանոր հեռանկարներ են տալիս հայ ժողովրդի ցնծուն կեանքին:

Մեր պատմութեան մէջ առաջին անգամ լինելով հայ ժողովուրդը երեւան է բերում համաշխարհային համբաւ ու հմայք վայելող մեծութիւններ — Արամ խաչատրեանը՝ որպէս երաժշտագէտ, Ալի-խանեան պանծալի եղբայրները՝ որպէս տիեզերական ճառագայթների ուսումնասիրութեան հեղինակութիւններ, Վիկտոր Համբարձումեան՝ որպէս աստղագէտ եւ մաթեմատիկոս, Յովհաննէս Բաղրամեան՝ որպէս մեծ ռազմագէտ եւ բանակի զօրավար եւ դեռ շատ շատերը:

Սա էլ, ի հարկէ, անլոյս եւ անպատրոյգ ձէթի ճրագ է պրն. Վրացեանի համար:

Մեր գրողներն ու արւեստագէտները, մեր գիտուններն ու հասարակական մարդիկ մի անգամ ընդ միշտ ձերբադատւել են՝ ապրուստի, նիւթական միջոցների կաշկանդող մտահոգութիւնից: Եւ նրանք արժեցնում են իրենց այդ ազատութիւնը նոր, առոյգ եւ մեծարժէք գործերով եւ գիւտերով ճոխացնելով մեր ժողովրդի տնտեսական եւ մշակութային կեանքը:

Սա էլ ձէթի ճրագ է կամաւոր կոյրերի համար:

Երբեք ապահով մի օր չտեսած մեր աշխարհից իսպառ վերացւել է ամեն տեսակի անապահովութիւն: Զկա անապահովութիւն օտար թշնամիներից: Ողջ երկրում տիրում է օրինակելի ապահովութիւն: Զկան ոճիրներ, չկան աւազակութիւններ, չկա արեւմտեան երկիրների յատուկ կիների եւ աղջիկների անպատուութեան վտանգը: Բարգաւաճ եւ երջանիկ մեր աշխատաւորութեան առաջ ցաւի եւ ուսուսումնասիր նման էլ կանգնած չկա անգործութեան ահաւոր սպառնա-

լիքը: Սովետական Հայաստանը երաշխաւորւած գործի եւ ապահովութեան տիպար երկիրն է:

Ձէթի ճրագ է սա — պնդում է պրն. Վրացեանը:

Եւ մեր բազմաչարչար ժողովուրդը, որ մոռացել էր ծիծաղը, մոռացել եւ դուցէ երբեք չէր էլ ճաշակել անարատ եւ ներշնչող վայելքի լուսեղէն համն ու ճաշակը — այսօր շրջապատւել է արւեստի եւ մշակոյթի մի համատարած, արեւափառ հեղեղով:

Իր մեծասքանչ եւ չքեղ օպերայի տանը եւ երգի ու պարի զւարթ եւ նւիրական սրահներում, հոյակապ թատրոններում, արւեստի ճոխ թանգարաններում, զով պուրակներում եւ մտերմիկ ախւմբներում — մինչեւ ամենահեռաւոր գիւղերում հայ ժողովուրդը իր կենսատու օղի եւ ջրի նման վայելում է հայ եւ միջազգային վարպետների երգն ու նւագն ու դրամաները, վրձինի եւ մուրճի գլուխ գործոցները եւ ժողովրդական միշտ թարմ, միշտ ծաղկուն երգն ու պարը — առողջ եւ հուժկու մի մարդու մեծ ախորժակով:

Եւ մեր ժողովրդի ուրախ եւ ազատ եւ զինովցնող ծիծաղի ծնծղան հնչում է մեր նորակառոյց, ներդաշնակ փողոցներում, դաշտի ալիքներում եւ հանդերում եւ վայելքի ու խաղի եւ աշխատանքի պահին՝ անուշ, երջանկաբեր, հրաշալի մի համանւագի նման:

Ի՞նչ է այս բոլորը եթէ ոչ ձէթի ճրագ պրն. Վրացեանի քինախնդիր աչքում:

Ինչպէս որ դիտել է տւել մեծ արձակագիր Դերենիկ Դեմիրճեանը «Սովետական կարգերի ամենամեծ ստեղծագործութիւնը ժողովուրդն է»:

Այսօր հայ ժողովուրդը անահ է ու հպարտ, ընկերասէր է ու մեծահոգի, խիղախ է եւ միասնական: Պահելով հանդերձ իր պատմական լաւագոյն արժանիքներն ու ընդունակութիւնները՝ սովետահայ ժողովուրդը կոփւել եւ հարստացել է նորանոր ընդունակութիւններով եւ առաւելութիւններով:

Տանք մի երկու հակակշիռ «հանրապետութեան» բանակի եւ նոր Հայաստանի բանակի, հանրապետական ռազմագէտների եւ սովորուսողի դորավարների:

Հանրապետութեան «քաջարի» բանակը չէ՞ր որ առանց մէկ հատիկ դնդակ արձակելու թուրքերին թողեց անառիկ կարսը եւ ամօթալի փախուստի դիմեց տաճիկ դահիճների հրին ու սուրին յաճնելով մեր ժողովրդին:

Մինչդեռ Սովետական Հայաստանի փառապանծ Թամսնեան զօրաբաժինը՝ անպաշտպանելի համարւող իր դիրքերը հերոսաբար պահելուց յետո՝ չարաչար պարտութեան մատնեց իրեն դէմ կուող՝ ասֆալտայրթիւններով լրացած Հիտլերի բանակին :

Եւ Ստալինգրադի եւ Կերչի եւ Սեւաստապոլի ու Կիեվի եւ Մինսկի փառաւոր յաղթանակներից յետո Հայկական պանծալի զօրաբաժինը, Կարմիր Բանակի առաջապահ զօրքերի հետ հալալու ու յաղթական՝ մտաւ գերման Փաշիստների հօր մայրաքաղաք — Բերլին՝ ճանճերի նման իր առջեւից փախցնելով նաեւ հիտլերական մեծ «սպարապետ» Դրոյի դաւաճան բանակը :

«Հանրապետութիւն»ը հայ ժողովրդին տւեց Սեպուհներ, Նրժ-ւէհներ եւ Դրօներ : Սովետական Հայաստանը հայ ժողովրդին փառաւորեց փայլուն զօրավարներ Սաֆարեանի եւ Մարտիրոսեանի, Բալտիկի արծիւ Նելսոն Ստեփանեանի եւ հայ ժողովրդի մեծ որդին ու փառքը՝ բանակի մեծ զօրավար Յովհաննէս Բաղրամեանի եւ 65-ից աւելի հերոս ու քաջ զօրավարների մի պանծալի չքախմբով :

Ապա քառորդ միլիոն հոգուց բաղկացած հայ քաջերի բանակը իր խիզախութեամբ եւ հերոսական սխրագործութիւններով յաւերժական փառք եւ անմահութիւն ապահովեց մեր արդէն փառապանծ ժողովրդի համար :

Իրենց մաքուր եւ թանկ արիւնով, իրենց կենսուրախ եւ անդիմադրելի հմայքով մեր քաջերը անքակտելի եւ տեւական դարձրին Միութենական ժողովուրդների արդէն ամուր եւ անխարդախ եղբայրութիւնը :

Նրանք ողջ ազատատենչ մարդկութիւնը յաւիտեանս պարտական եւ երախտապարտ թողեցին նրանց ծնունդ տուող հայ մեծ ժողովրդին : Երախտագիտութեան այս տուրքից մեծ բաժին ունի ամերիկեան հօր ու՝ ալնիւ ժողովուրդը, որի երիտասարդ որդիներից հարիւր հազարաւորներ այսօր ապրում եւ շնչում են շնորհիւ Թամանում եւ Ստալինգրադում եւ Սեւաստապոլում եւ Կիեվում եւ Ռուսական եւ Լեհական հողամասերում հայ քաջերի վարած ահեղ ու հերոսական կռիւների նացի բարբարոսների դէմ :

Ահա թէ ինչպէս է ազնւացել եւ զօրացել եւ գերազանց դարձել մեր ժողովուրդը սովետների վարչաձեւի ներքեւ : Ահա թէ ինչպէ՞ս է կոփւում պողպատը :

Սա՞ էլ միթէ ձէթի ճրագ է, պրն. Վրացեան :

Չէ՛, մոռալ եւ տօգոյն եւ ծխացող այդ ձէթի ճրագը, մահի խաւարով մարելու մօտ այդ անբախտ ձէթի ճրագը պրն. Վրացեանի քար սրտում, նրա չար աչքերում, նրա ոխակալ հոգումն է: Որովհետեւ նա խուսափում է օրւա մեծափառ լոյսից: Որովհետեւ նա մութն ու խաւարն է սիրում: Որովհետեւ նրա արնակալած աչքերն օրւա եւ արեւի լոյսին դիմանալ չեն կարող:

Ես չեմ զարմանում եւ չեմ զայրանում ,որ պրն. Վրացեանը թշնամարար ժխտում եւ ուրանում է մեր ժողովրդի անճառելի արեւածագը: Շատ զարմանալի եւ տարօրինակ կը լինէր եթէ նա տեսնէր նրա հրաշալի չքեղութիւնը եւ հրճէր ու փառաւորէր նրա վեհութեամբ:

Այդ կարող էր պատահել միայն այն ժամանակ երբ նա ցած դնէր իր սեփական ժողովրդի եւ հայրենիքի դէմ գործածած իր բոլոր անմաքուր եւ ժանգոտած գէնքերը: Եթէ նա մոռանար դաւերով եւ ահաւոր ձախողութիւններով պատուհասւած իր մութ անցեալը: Երբ նա հրաժարէր հայ ժողովրդի թշնամի օտար շրջանակների վտանգաւոր ծառայութիւնից:

Բայց քանի դեռ նա եւ նրա համախոհները յամառում եւ ամրապնդւում են իրենց դաւերի անել այդ ճահճում, քանի դեռ նա վրէժխնդրութեամբ եւ ոխով է դիտում մեր ժողովրդի լուսաշող վերելքն ու նւաճումները — այնքան ժամանակ նա կը մնա մտքով եւ աչքով կոյր, այնքան ժամանակ մեր ժողովրդի շողջողուն արեւածագի լոյսը չի թափանցելու նրա խաւարակուռ հոգում եւ աչքերում:

Գթութեան կարօտ, եղկելի մարդ է նա — անտուն, անյոյս, անհայրենիք:

Ո՛րք էլ որ լինի նա, որքան մեծ գին էլ նա ստանա ուրացման շուկաներում իր ժողովրդին վաճառելուց — նրա սրտից ու աչքերից երբեք չի փարատւելու այդ թանձր, ահաւոր խաւարը:

Որովհետեւ նրա ձեռների եւ խղճմտանքի վրա տակաւին լերդացած մնում է տասնեակ հազարաւոր աղնիւ եւ անմեղ հայերի թանկ, մաքուր արիւնը: Եւ բոլոր ովկեանոսների ջրերը եւ քիմիական մաքրիչ բոլոր նիւթերը չեն կարող նրա ձեռքերից եւ խղճմտանքից ու հոգուց սրբել այդ այրող եւ անջնջելի արիւնը:

Թշուառ մարդ է նա — դատապարտւած իր ժողովրդի ահեղ դատաստանից, դատապարտւած կեանքի իրականութիւնից: Եւ տակաւին յորդող ատելութեամբ, մոլեգնօրէն նա սպասում է որ աւելի ահարկու դժբախտութիւններ հասնին իր ժողովրդին: Սպասում է որ իր ժո-

դովրդի գլխին եւ նրա ծաղկուն, պայծառ հողի վրա պայթեն արեան մրրիկներ, որպէս զի այդ արեան հեղեղում, այդ բոցերի եւ մոխիրների միջին դուցէ նա դտնի իր կորցրած պիղծ եւ արիւնոտ աթոռը:

Բարեբախտաբար հայ ժողովրդի դժբախտութեան շրջանը անվերադարձ անցել, գնացել է: Ել ոչ մի ձեռք չկա այնքան հզօր, որ նրան հարւածի, էլ ոչ մի զէնք չկա այնքան հատու, որ նրան խոցի:

Իսկ նրանք որ նրան դժբախտութիւնն ու արիւնն են ցանկանում — նրանց սպասում է կսկիծ եւ յուսախաբութիւն: Նրանց սպասում է Յուդա Իսկարովտացու մաշող, տառապագին, սրտազալար մահը, Վասակ Սիւնու դառն ու հոգեչարչար, զարհուրելի մահը:

Եւ մի մարմրուն, հեւասպառ ձէթի ճրագ անգամ իր տրտում, հիւանդ լոյսով չի լուսաւորելու նրանց հոգեվարքի անտակ ու սեւ սարսափը:

ՀԱՅ ԺՈՂՈՎՐԴԻ ԱՐԵՒԱԾԱԳԸ ՄԻՇՏ ԱԻԵԼԻ ԼՈՒՍԱՊԱՅԾԱՌ

Մեր երկրի յաղթական դարաշրջանի արեւածագը շողում է աւելի չքեղ եւ աւելի լուսասպայծառ սովետների հզօր պաշտպանութեամբ եւ մեր ժողովրդի հրաշագործ բազկի շնորհիւ:

Վարդակարմիր ու լուսագեղ այս արեւածագի ներքեւ պայծառացել է Հայոց Աշխարհը իր բովանդակ չքնաղ հրապոյրներով եւ դանձերով:

Ծաղկել եւ կանաչել են մեր այգիներն ու անդաստանները հըրճւանքի եւ անուրջի նման:

Դարերի խաւարն ու մղձաւանջն ու սարսափը չքացել են անհետ եւ անդարձ:

Եւ մեր ժողովուրդը՝ հպարտ ու ազատ, աշխատանքի կայծակէ մուրճն ու մանգաղը ձեռքին՝ կերտում է մի չքեղ եւ երջանիկ աշխարհ, մի դալար եւ խնդուն երկիր իրեն եւ աւելի բախտաւոր իր յաջորդների համար:

Եւ ջուրն ու հողը, եւ մեր լեռները վեհատեսիլ՝ ուժով եւ լոյսով եւ հաղար բարիքով ծիծաղում են մեր ժողովրդին:

Այսպէս, երգով ու ցնծութեամբ եւ կառուցումով եւ յաղթանակով եւ լիութեամբ շարունակ աւելի պայծառանում եւ փառաւորում է մեր ժողովրդի նոր, լուսեղէն դարը:

Հակառակ թշնամիների բոլոր դաւերին, չկամութեան եւ սպառնալիքին հայրենադարձը պիտի հոսի ու վարարի դարնան գետերի նման: Եւ սփիւռքը պիտի դատարկէի հայերից ինչպէս որ նուոն է դատարկուամ իր համեղ եւ հիւթեղ հատիկներից:

Եւ ո՛չ մէկ դաշնագիր, ո՛չ մէկ զինակցութիւն, ո՛չ մէկ ուժ կարող պիտի լինի մեր ժողովրդի պատմական, աստուածատուր, եւ հերոսական արիւնոյ սրբադործւած հողերը յափշտակիչ ոճրագործների բիրտ դարչապարի ներքեւ պահել:

Սա՛ է մեր երկրի իրականութիւնը, սա՛ է մեր ժողովրդի ընթացքը — հաւատքով եւ խնդութեամբ յորդող նրա դրոհը դէպի շատ աւելի չքեղ եւ անվախճան գալիքը: Սա է նրա լուսապայծառ արեւածառի:

Ողջո՛յն հայ ժողովրդի հրաշագեղ եւ մեծափսու արեւածագին:

Ողջո՛յն նրա լուսեղէն, անվախճան գալիքին:



